

საქართველო

საქართველოს
მემორიალი
ბიბლიოთეკა

სურათებიანი ლამაზება

გაზეთის № 155

ლამაზების № 6

პვირა, 29 გიორგოვისთვე 1915 წ.



არწივი

მწვერვალთ მეფე, მძლე არწივი, მწველ თვალთაგან ცეცხლთ მკვესავი,
მზის სხივებში დასცურავდა სტიქიონთა ნათესავი.
მშვენიერი, დიდებული იყო მისი ცად ნავარდი,
თავისუფალს არ ზღუდავდა მიწის ფიქრი, მიწის დარდი.
მკერდით ჰპობდა ღრუბელთ ზვირთებს, ქარიშხალში ფრთებსა სცდიდა,
სფეროთ უკვდავ სიმფონიას ლალის სულით განიცდიდა...
ზე არსთ ნათელ ყოფნისა და განცხრომისა სვამდა ნეტარს,
ყვავ-ყორნები შესცქეროდნენ შურით, მალალს, დიდს და ნეტარს...

* * * *

მიწის ნახეა მოისურვა და დაეშვა იგი წყნარად.
ქვეწარმავალთ მოევლინა ღვთის რისხვად, გრგვინვა-ზარად!
შემოველო მწვანე კორდსა, გადაჩრდილა მან კლდე სალი
და ჰე, ბუჩქთან, ლამაზ კაკაბს, კეკლუც კაკაბს, მოჰკრა თვალი!
ერთ წამს შმაგად დააშტერდა... შეიკუმშა.. ფრთა დაჰკეცა,
მოსწყდა ცასა, ჩამოვარდა, მეხივითა თავს დაეცა
შიშისაგან გაქვავებულს, მითროლვარესა, ცნობა მიხდილს..
ახ, კაკაბო, მშვენიერო, ვერ წაუხვალ, დუხჭირ, სიკვდილს?!
გამარჯვების ყვილითა თვისი მჭრელი კლანჭი გაჰკრა
და ნისკარტი ფოლადისა ასწია და... და არ დაჰკრა!..
მის ქვეშ თრთოდა, ფრთხილებდა თვით სიტურფე უნაზესი,
თვით შვენება, თვალ წარმტაცი თვით შვენება ზესთა ზესი!
მძლეთა მეფე უცბად შეკრთა, შეუპოვარს ეცა ელდა,
გული ცივი, უდრეკელი აენთო და აუღელდა!
მოაცილა ბასრი კლანჭი, მიჯდა გვერდით ვენებით მთვრალი:
სილამაზემ დაატყვევა, სილამაზემ მოსკრა თვალთ.

შეფრთხილდა... გონს მოვიდა, მოიბრუნა ტურფამ სული,
გაისწორა თვის ქათიბი დახატული, დაკაზმული,
ძლიერსა და საშინელსა კვლავ შეჰხედა შიშის თვალთ
და დაიწვა მის თვალთაგან გამონაფეთქ ვნების ალით!..
მიჰხედა... იგრძნო თვისი ძალა... იძლია და თანაც სძლია!..
აკეკლუცდა, გაიფურჩქნა ვით მზის კოცნით შლილი ია.
არწივისა გარეშემო აგოგმანდა ტანის რხევით
ნაზ სხეულის სუნნელების სუნნელ ყვავილთ შორის კმევით.
ამღერდა და აცეკვავდა.. შეხტა, მკერდში ჩაეკონა...
მწვერვალთ მეფე, ბრძანებელი, კეკლუც კაკაბს დაემონა!..

* * * *

— სულის მნათო, ზე აფერინდეთ, გრძნობაც ჩვენი გავიზემოთ,
იქ ღრუბლებში! სიყვარულის, ტრფობის სიტკბო იქ ვიგემოთ!..
იქ სადაცა არ მოგვწვდებდა ქვეყნის მტრობა, შურის წყრომა,
სად სუფევენ სიდიადე, სისპეტაკე და განცხრომა!..
იქ არწივნი დაგვხვდებიან თვის გმირულის ყვილითა,
ელვა ცისა გაგვიღიმებს ალისფერის ღიმილითა!
მაყრულს გვეტყვის რიხიანად მძლე მგოსანი—გრგვინვა ცისა!“—
— დიდებული, შენსავითა მე არ ძალმიძს მალლა ფრენა
სუსტი ფრთები მაქვს და მკერდი, სუსტი თვალი, სუსტი სმენა,
იქ წვიმა და ქარისაგან ეს ბუმბული მთლად დამცვივა
იქ სიმაღლე თავს ბრუს დამხვევს, იქ ღრუბლებში ალბად ცივა!
მძლეთა მძლეო, გულის მეფე, დამიჯერე—აქ სჯობია!
არც მალლაა, არც დაბლაა—მწვანე მთისა ფერდობია.
არ დაგვაზრობს აქ სიცივე, არ დაგვხრუკავს სხივი ცხელი...



ყველეში ვაგიკეთოთ საქორწინო სარეცელი!
 თავსა სრულად შემოგწირავ, გაგეშლები ფიანდაზად,
 მაგ მწველ თვალებს, ელვა თვალებს, დაგიკოცნი ახ, რა ნახად!
 ნამდვილ ცასა დაგაიწყებ, სხვა ცას ჰპოვებ სიყვარულში.
 და გონების ექვს დაგიცხრობ ღამაზ მკერდზედ ღამაზ რულში...

* * * *

დამორჩილდა!.. დარჩა იგი, დარჩა, რადგან შეუყვარდა.
 დაავიწყდა ყველაფერი, ყოველივე ტურფას გარდა!
 დარჩა იგი ტყვედ და მონად!—დრო ვიდოდა, დრო მიჰქროდა...
 მოგოგმანე კაკბის უკან ღრუბელთ მეფე უშნოდ ხტოდა!
 ვერ ისწავლა მან გოგმანი ვერცა ხერხით, ვერცა შრომით,
 დაუკაწრა მთლად სხეული ბუჩქ-ეკლებში ხშირის ძრომით!
 დაედუნდა მძლავრი ფრთები, საცოდავად გადუქცედა,
 მიწის ცქერით შორს მჭვრეტელი, მზე-თვალეები დაუბეცდა!
 დაავიწყდა ცის სიწყნარე, ცის ქუხილი, გაელვება!
 კეკლუცი კი არ შორდება: ცეკვით, მღერით თავს ევლებს.
 დაარულა გმირის ნება, დაარულა მისი ცნობა—
 უღმობელი მტარვალისა სიყვარულის ჩვილი გრძნობა!.

* * * *

ერთხელ არწივს, ფიქრში წასულს, ჩამოესმა მალლით ხმანი
 შეკრთა, იცნო, დაკარგულსა ძმას იხმობდნენ არწივ-ძმანი!
 „გმირთა გმირო, სად ხარ, სადა ცოცხალი ხარ შენ, თუ მკვდარი?!
 ცა მიწისთვის ვით გასცვალე, განა არის შესადარი?
 რა ჯადოთი, თილისმითა ხარ, უსწორო, მოხიბლული
 ვინ გაჰგმირა დიდი გული, რათ გიჩრდილავს თვალებს რული?!..
 გაიღვიძე, წინამძღოლო, გაძლიერდა ჩვენი მტერი!
 ყვაე-ყორნების ურდო ჰფარავს ცასა ვითა შავი მტვერი!
 მწვერვალების წართმევა სურთ და მოსპობა ჩვენი სრული,
 გვეხვევიან გარსა უკვე და ჩხავილი ისმის კრული!“
 მთამ ხმა მისცა მის ყივილსა, შიშის თრთოლა იწყო ბარმა!
 ვით მქუხარე რისხვის ღმერთმა, საშინელმა და მგზნებარმა
 ანათა თვალნი მალლა.. ისკუბა და ფრთა გაშალა,
 ჰაეროვან გემივითა გასცურდა და გაიშალა!..
 მხნედ წავიდა, დიდებულად, განიერი წრის შემოვლით;
 აგერ, ქვევით დარჩნენ მთები შემოსილნი მარად თოვლით...
 ახლოვდებან!. მაგრამ ეჭა, უცბად თავი ცუდად იგრძნო!
 ატეხილ ქარს შეებრძოლა, ვერ გაუძლო და ფრთა იღრძო...
 რა გემართვის, ჰე, არწივო, უღონობა ვინა გკადროს?!
 რამ დასჩვარა შენი ფრთები?! მერე რა დროს, ვაი რა დროს!!

* * * *

მიხვდა ეხლა თვის შეცდომას... რომ უმუხთლა არწივთ ზნესა
 იგრძნო თვისი უძლურება და აღმოჰდა გულით კენესა!
 — ახ, კაკაბო!.. მზე-მწვერვალნო!.. ცის სიზმარი სად გაჰფრინდა?!
 არც გოგმანი, აღარც ფრენა.. მაშ სიცოცხლე რალად მინდა!..
 და ფოლადის ნისკარტითა მან გაიპო უცბად გული
 და იქ... ღრუბელს და ლაქვარდსა ჩააბარა დიდი სული!!..
 გვამი კი ძირს ჩამოვარდა.. მთის ფერდობზედ... იქ, სადაცა
 კეკლუცი კაკაბს ბუდე ჰქონდა, დაავიწყდა სადაც მას ცა!
 სტიქიონთ და არწივთ ქება მის მკვდარ სმენას ველარ მოჰსწვდა:
 ქება ვნებულს, ქება არწივს, რომ არწივად იგი მოჰკვდა!

კ. მაყაშვილი.

* * *

ხალხის ვაებით დამძიმებულმა,
 თავი მივეცი საყვარელ ტყესა;
 და მის ფოთლებში შეფარებულმა,
 ხელი მოვხვევი ხითხითით ხესა.

სამეფო მყუდრო და საოცნებო
 კრემლის ჩუხჩუხით ავახმაურე;
 გული ვიოხე ტირილ-ვაგლახით
 და ისევ უკან გამოვეშურე.

გოგია უიშვილი.

უორიდან

მოგესალმები გულ თბილათ,
 ტკბილის ოცნება-გრძნობითა,
 შენს უბე-კალთას ვემთხვევი
 დაუშრეტელის ტრფობითა.
 რაც გინდ მიაშბოს ნიაგმა,
 დაბარებული მტრობითა,
 წარბს ვერ შემხბრის სიმუხთლე
 უისრო ენის გმობითა.
 ბრძოლიდან მუდამ შენთან ვარ
 ფიქრით, დღისით და ღამითა,
 გულ-ნაისრალი მოვფრინავ
 ხანდისხან ერთის წამითა.
 მოვფრინავ, მატკობ ალერსით
 და სულს მიმშვიდებ ამითა,
 წყლულებსაც მირჩენ, მისტუმრებ
 ისევ უდროს ქამითა.
 რა მომკლავს, შენი ქირიმე,
 ასეთ იმედის მქონესა:
 შენ რომ მანდ მყევხარ უმწიკვლო,
 მე აქა მმატებ ღონესა.
 სალამი სხვათაც დიდებავ.
 მუდამ თვალ მაისიანო,
 კაი ვაქაცთა სახელო,
 და ნათელ-გაისიანო!..

შიო მღვიმელი.

ანაკრეონის ოღები

დასველებული ამური.

შუა ღამე გადავიდა. ცის მნათობთა გუნდი ჰკრთება.
 ყველა ძილში თავს აყოლებს, არ დაგიდევს თუ რა ჰხდება.
 მე კი ვშფოთავ. აგერ, მესმის, ვილაც კარებს აკაკუნებს...
 იღუმალი წინაგრძნობა ვაქაცს მშლის და მძაბუნებს.
 „ვინ ხარ ამ დროს?“—შეეუძახე, ხმა გამომცა უცხო, მქრალი:
 „აქ ბავშვია სველ სამოსით, უწყალოდ ხორც აგლეჯს ქარი.
 გზა დაეზნა. მთვარე არ სჩანს. ბნელს მოუცვამს არე-მარე.
 შეიბრალე ღვთის ობოლი, ერთი ღამით მიიბარე“.
 გული დამწვა. ვანთებ სანთელს. ეხედავ, მართლა ბავშვი არის.
 მხრებთან აშლილ წვეილი ფრთის ქვეშ მოსჩანს წვერი შეილდ-ისარის.
 ცეცხლთანა ვსვამ, ვათბობ, ვუვლი, თან ვიხუტებ, ვუფშვინეტ ხელებს.
 ტკბილ ალერსით ვკოცნი შუბლზე და ვუსწორებ ხუჭუჭა თემებს.
 ბოლოს აღვა: „ზხედავ, მითხრა,—წვიმამ შეილდი დამისველა.
 ცეცხლთან უნდა შევამშრალო, ეხლა სჭირსო სწრაფი შეველა“.
 სთქვა და შეილდი წამოჰზიდა. დასხლტა უცბად მას ისარი,
 ვაქაცს მარჯვედ გამიგმირა იმ ცულლუტმა გულფიცარი.
 რაკი მნახა დაკოდილი, მოჰყვა ცეკვა და კიჟინსა,
 ჩემი კენესა მას ალხენდა და უკლავდა თრობით ჟინსა.
 „მეგობარო,—მითხრა ბოლოს,—ეხლა თუ გსურს, ნუ მიმიღებ.
 შენს უარსა არად ვიწყენ, არხეინად ვილიღინებ.
 შეილდი გაშრა. ახლა ღამეს სხვის ქერ ქვეშა გავათენებ,
 მაგრამ შენს გულს დაკოდილსა ნეტავ რითღა გაამრთილებ?“

Candide.

სიბლერა

წუთით მოვსულვარ მე ამა სოფლად და, ვით სიზმარი, გავქრები მალე;
 მხოლოდ სამშობლოვ, ჩემო ხეთაებავ, არ დამივიწყო, შენ გენაცვალე!
 ოდეს სიცოცხლის დღე გავითენდეს, გაბრწყინდეს ცაზედ შენი ვარსკვლავი,—
 მაშინ მონახე სადმე ხევ-ხუვში თავ განწირულის ბნელი საფლავი!
 და ეს სიტყვები გამარჯვებისა წყეულ სამარეს შიგ ჩამოსძახე:
 ამირან გმირმა გაწყვიტა ჯაჭვი, მაგრამ, ვაი, რომ შენ ვერა ნახე!

ი. დაროშვილი.

ლეილ-მეჯნუნისანი

სპარსულიდან ნათარგმნი მეფის თეიმურაზ პირველის მიერ*)

II

მეჯნუნისა და ლეილის სასწავლოს მიზარება

- 14. შეიღისა წლისა შეიქნა; ალვის შტო ლამის ახვედეს. მოლას მიგვარეს, შევედრეს, ტირილით სულთქმა-ახვედეს. იკითხავს: „ვითარ ბულბული ჰსურის თუ ვარდას ნახვედეს, მეღნის ტბა მათთვის სარჩობლად წამწამსა გრეხდეს, მახვედეს?“.
- 15. მათ მნათობთა ერთი იყო ნათესავი, თესლი, გვარი, ახლო იყვნენ მეზობელნი ძმათა შვილნი განაყარი. ლეილიცა მოიზარდა ალვა აღმა ანაყარი, განგებითა იგიც იქმნა მას მოლასა მინავარი.
- 16. ბევრი იყო იგი მოლა ბრძენი ერთობ მონახული; ორნიც ნახა, მოეწონა იგი ტურფად დასახული. სთქვა: „ვინ ნახა მათებრ შვილნი დედის მუცელს ჩასახული! აწ განათლდა სახლი ჩემი, დარბაზი და მერმე სული!“
- 17. მიჯნუნი ყმასა დაარქვეს ვის სახელ იყო ყასო; სკოლაში ნახა თვისი მზე, გულსა ლახვარი დაისო! ეტლსა ეტყოდის, ესე სჯობს ლეილი ზურგსა დაისო! ჰფიცავდა: „არად სახმარ არს, ვარდას ნუ გაშლი, მაისთ!“
- 18. აკითხვედა იგი მოლა ორთავეს თავაუღებლად; ვინმეა მორჩის მათ ქალ-ვაჟთა მკვრეტთა, ცნობა წაუღებლად! ბრძოლის ველზედ შავი მშვილდი თვით გიშრობდა გარდუღებლად, განანათლეს იგ სასწავლო არ მოღრუბლდეს გარდუღებლად!
- 19. ვარდას გვერდით ჰყევს ბულბული, იგი არე აუყრია, ლეილისა სხივთ შუქთაგან დარსა ნისლი აუყრია, თვალნი გიშრით მოუხლუდავს, წარბი აღმა აუყრია. მას ციერნი არად უკვირს, მნათობნიცა აუყრია.

(შემდეგი იქნება)

თამარის ჯვარი

(ჩვენი ძველი ცხოვრებიდან)

I

ქვეყანას შავი წყვილი დაჰპატრონებოდა. მალა — მთის წვერზე, კაპწია საყდარი დადუმებულიყო, დაბლა — მთის კალთაზე, მწვანე ქურქიან ტყეს ჩასძინებოდა.

მახლობელ ხევიდან ადამიანის აჩრდილი ამოიჭრა და ტყერში მიიშალა.

— ვამე! — დაიყვირა ვილამაც და სიჩუმე დაირღვა.

„ვამე“ — ს საზარელი ღრიალი მოჰყვა თანა და ტყემ განგაში ასტეხა. კლდე-ღრემ ბანი მისცა...

ღრიალი ხრიალად გადაიქცა და ტყემ ხმას დაუდაბლა.

ხრიალთან ერთად გულსაკლავი გმინვა გაისმა.

პატარახანს უკან ყველაფერი მიყუჩდა და ტყემ ისევ ძილს მისცა თავი...

II

შუალამემ გადაიარა. მთიებმა შორს სადღაც ცისკარს თვალი შეასწრო, კანდელი დაუნთო, ცისკიდურის ნავთსაყუდელი დანახვა და ჩაესვენა.

ბუნებამ გამოიღვიძა და დაფაცურდა, მგალობელთა გუნდნი აახმაურა. საყდრის პატარა ზარმა დაიწკარუნა და თავისი ხმა საერთო ბუნების ჰიმნს შეუერთა. ვარდისფერ სივრცეში ვარდისფერ ნავით ვარდისფერა მახრობელი გამოსრიალდა და ქვეყანას მნათობთა მეფის მოახლოვება ახარა. ცისკარი მიიშალა და მზის დიდებული ოქროს გვირგვინი გამოჩნდა. მნათობთა მეფემ უხვად მიმოაბნია

სხივები და ბინდ-ბუნდის უკანასკნელი ნაშთები არარაობად აქცია, მიდამო ათასფერად ააყვავა.

მზის შუქი ტყეში მდებარე პატარა ველსაც მოეფინა. ახლოს უდარდელი წყარო ჟღერტულვებდა, დაინახა ბრწყინვალე მნათობი და გაუცინა. მწვანე ქორობა ხეებმა ცნობისმოყვარეობით გადახარეს წყაროსკენ თავები და პატარა ველზე ორი უცნაურად ჩახუტებული არსება დაინახეს: ადამიანს დათვი წაჰკიდებოდა, მწვანე ქორობებს გული აუჩუყდათ და სიბრაღულით თავები გააქნ-გამოაქნიეს.

III

— საცოდავი! — წამოიძახა წყაროზე მოსულმა ბერმა. — ნეტა რა აწყენინა ღმერთსა, რომ დათვის კერძი გამხდარა?

დათვის ადამიანისთვის მარცხენა ძუძუს ზევით ბასრი კბილები ჩაეყარა, ადამიანს კიდევ დათვისათვის მუცელში ხანჯალი გაეყარა და ორივე უძრავად ეყარნენ. მწვანე მოლის ხავერდი სისხლს შეეღება.

ბერმა ძლივს-ძლივით გამოაცალა თათებიდან მკვდარ დათვისა ადამიანი.

— რა ჰაბუკი ყოფილა და! — სთქვა აღტაცებულმა. — ცოდო არ იყო ამის წახდენა?

ჰაბუკის სახეს მაღალი შუბლი ამშვენებდა. ვაკაცს მხარბეჭი ზღაპრულ გმირს მიუგავდა. ტანით ალვის ხეს შეედრებოდა.

ბერმა ცნობის მოყვარეობით დაუწყო სინჯვა; შუბლზედ ხელი გადაუსვა... სიტბო იგრძნო.

— გულწასულია! — წამოიძახა აჩქარებით და წყაროს წყალი მოარბენინა.

*) იხ. „საქართველოს“ დამატება № 4.

და წყულულები მოებანა და განცვიფრებული გაჩერდა. ჰაბუკს უბეში ფასდაუღებელი ოქროს ჯვარი ედვა: ერთი ციდა სიგრძე ექნებოდა; სულ ძვირფასი თვალ-მარგალიტით იყო შემკული. ზურგზე მინანქრის ასოებით ხუცურად ასე ეწერა:

„ძელო ჰეშმარიტო, ძალო ჯუარისაო, შენითა წინაძღომითა ყოვლად შემწე და მფარველ ექმენ მეფესა და დედოფალსა თამარს.“

ბერი დიდის მოწიწებით ემთხვია ჯვარსა და მოლზე დაასვენა.

— ზეციერო გამჩენო, შეუნდე დანაშაული! — შეჰლაღა დალიურ ცხოვრებას განშორებულმა ადამიანმა და დათვისაგან დაღრღინის ვაჟკაცს მიუტრიალდა, წყულულები მოჰბანა და შეუღებია.

ჰაბუკი ცივმა წყალმა მოასულიერა და ხელი უბისკენ გააქანა.

— ჯვარი?! — წამოიძახა მისუსტებულის ხმით. — სად არის ჯვარი?

— შვილო უფალმა დაგსაჯა. — შემოესმა პასუხად. — ჯვარი იმ ეკლესიას უნდა დაუბრუნდეს, საიდანაც შენ მოგიპარავს. შენ კი, შვილო, ზეციერს მადლობა შესწირე, რომ ცოცხალი გადაგარჩინა და დანაშაულის მონანიების შეძლება მოგცა.

ჰაბუკმა შუბლი შეიქმუნა, განრისხდა. ამ სიტყვებმა ისე ძლიერად ააღელვებს რომ ძალაგამოცლილმა ველარ შეიმარჯვა თავი და გული ხელახლად წაუვიდა.

IV

როცა ჰაბუკმა თვალები გაახილა, თავისი თავი ბერის სავანეში დაინახა. სულის მამა დამხობილიყო ხატის წინ და ევედრებოდა.

— წყალი! — წამოიძახა გონს მოსულმა.

ბერმა ლოცვა გაათავა და ჰაბუკს მიუბრუნდა.

— ნუ გეშინიან, შვილო! — გაიგონა კიდევ ავადმყოფმა. — ეტყობა, უფალმა მოწყალე თვალთ გადამოგხედა, რომ ცოცხალი ხარ. შეგიძლიან დანაშაული მოინანიო.

ჰაბუკმა უკმაყოფილოდ გაიქნია თავი და მისუსტებული ხმით, ნაწყვეტ-ნაწყვეტ დაიწყო ლაპარაკი.

— მაგას რას მეუბნები, მამაო?... დიდებული მეფეკალის ჯვარი მტერს გამოგვლიჯე... მტერი შემოგვესია, მამაო, მტერი!... ურიცხვია!...

— მტერი?... სად არის მეფე... ჯარი?...

— შემოიპარა... ანაზღუდად დაგვეცა... ჩვენი მხარე მთლად გაავერანა... ხალხი ააწიოკა, მოსრა... საყდრები აიკლეს... დაანგრის... ოჰ, ზეციერო გამჩენო!... მეფემ არ იცის... აქეთ მეგულვებოდა და გამოგვეშურე.

— მართალია, აქეთ არის, — დადასტურა ბერმა. — საზაფხულოდ ამობრძანდა.

— ჯვარი უნდა გადავცე. — სთქვა ჰაბუკმა. — ერთ დროს ღვთის სწორმა თამარმა მაგისი ძალით აუარებელი მტრის ლაშქარი დაამარცხა ჩვენ სოფელთან... ჩვენ საყდარში თურმე ღმერთს მადლობა შესწირა და ჯვარიც იქ დატოვა... ძლიერია... მაგრამ როგორც ეტყობა უფალს ხელი აუღია ჩვენზე... გზაში ცხენი მომიკვდა... დათვმა კიდევ ეს დღე დამაწია... სული მიგუბდება, მამაო, სული!... წყალი... ბერმა წყალი მიაწოდა.

— ნუ გეშინიან, შვილო!...

— მამაო, წადი მეფესთან... წადი, თორემ ქვეყანა დაიღრღინება!... ჯვარი გადაეცი.

ბერი შეყოყმანდა: მარტო იყო; მორჩილები სურსათისათვის სოფლად დაეგზავნა. ავადმყოფის თავის დანებება შეუძლებელი იყო.

ჰაბუკმა მოიგლიჯა დაწყულებული მკერდიდან ფალას-ფეულასი და დაიყვირა:

— ერთი ადამიანისთვის ქვეყნის დაღუპვა არ შეიძლება!... მამაო, განთავისუფლებ!... დეე მე მოგვკდე, შენ კი მეფესთან წადი!

— რას სჩადი, შე უბედურო? ეგ ხომ თავის მოკვლას უდრის!... თავის მოკვლა ხომ დიდი ცოდვაა?... ღმერთი არ გაპატიებს! ჯოჯოხეთის გენია არ აგცილებს!... ილოცე, შვილო, ილოცე, რომ ზეციერმა გაპატიოს და სასუფეველი დაგიმკვიდროს! ილოცე!

— ჯვარი სად არის, მამაო, ჯვარი! — ავადმყოფი წამოჯდა და ხატისაკენ მიიხედა.

ჯვარს თვალი მოჰკრა, თავს ძალა დაატანა, წამოიჭრა ზეზე და ხატთან მიიჭრა, ჯვარის წინ მუხლებზე დაეცა და მუდარით შეჰხედა.

— ჯვარო პატიოსანო!... ჯვარო ძლიერო!... დეე მე ჯოჯოხეთი ნუ ამცილებს!... მხოლოდ მშობელი ქვეყანა... ოლონდ მშობელი ქვეყანა...

ჰაბუკს სიტყვა პირში გაუწყდა, სისხლი წასკდა, პირქვე დაეცა და სული განუტევა.

გაოცებულმა სულის მამამ პირჯვარი გადიწერა.

V

კაპწია საყდრის გაღვენის კარი გაიღო და სამგზავროდ გამზადებული, იარაღსხმული შუა ხნის მხედარი გამოვიდა. ტანზე აბჯარი ემოსა. ჩახუტეტი მოიხიდა, პირჯვარი გადიწერა და ლამაზ მიდამოს თვალი გადაავლო: ეთხოვებოდა.

— ღმერთო, შეუნდე... ღმერთო, მეც შემინდე!... სამშობლოს გულისათვის... მხოლოდ სამშობლოს გულისათვის!... — სთქვა მხედარმა და თავქვე დეეშვა. ეს ჩვენი სულის მამა იყო, უბეში თამარის ჯვარი ედვა და მეფისაკენ მიეშურებოდა.

ინ — ბანი.

ნარსულ ბრძოლის სურათი

(გიორგი სააკაძე)

გესმის დაფლავის ხმა? ეს ჩვენი შეთქმულები შემოვიღნენ: გაჰხედე, რა აუარებელი ჯარი მოაწყდა. აგერ, აღმოსავლეთიდან! აგერ, დასავლეთიდან... სამხრეთიდან... რამდენი იქმნება? ექვსი ათასი... შვიდი ათასი... ათი ათასი... საკმარისია! მტრის ჯარიც ეწყობა. უნდა გადასწყდეს სამშობლოს ბედი! გაუმარჯოს ქართველ მხედრობას...

— გაუმარჯოს გიორგი სარდალს! ზურაბ, მე ამ მაღლობზე დავრჩებო ჯერჯერობით, აქედგან წარვმართავ!... — — — სიმამრო, ეხლა კი დრო არის ბრძანება გავსცე! ზაალ არაგველო! შენ პირველ რიგში ჩასდგები! მახაბელო, შენ მარცხნივ! თუმო, შენ მტერს ბანაკში მიუხდები და ხელჩართულ ბრძოლას გაუმართავ! ტარია კახელო, და შენ, ნოდარ ქიზიყელო,

მტრის ჯარს ვაარდევით, ციხეს აი-
ლებთ და ზედ საქართველოს დროშას
ააფრიალებთ!

შენ გურულო! იმ მებრძოლს თავი
მოსჭერ და აქ მომიტა! ქუთათელიო,
შენი ჯარი ადგილზე დარჩება შემდეგ
მისაშველებლად... დაჰკარით დაფ-
დაფს... სიმღერით მიდით მტერზე...
იცოდეთ, სამშობლოსთვის ვიბრძვით
— — — მხნედ! თამამად!

ოჰოჰოჰოჰო! როგორ თავგანწირვით
იბრძვიან! არაველო, წინ! ერისთავო,
მარცხნით! ტარიავე, შენს ჯარს ქარი
კვამლით ჰფარავს, გეზი შესცვალე!
შე—მო—უარე! დაჰკა! ეს ვინ არის,
აქეთ რომ მოჰქრის?

— ქართველი მთხრობელი, ჩვენო
სარდალო!

— მიაბზე! გისმენ!

— დიდებულო მხედართმთავარო!
ზაალ არაველი და მეგრელთა სარ-
დალი გასაჰკირშია... მტერმა აუარებე-
ლი მებრძოლი დაუხოცა. თვითონ რა-
ვდენიმე მებრძოლით დარჩა, საცაა
ტყვედ შეიპყრობენ.

— ცოცხალი არ დაჰნებდეს! შენ
ვისი მთხრობელი ხარ?

— მე გახლავარ ტარია კახელის და
ნოდარ ქიზიყელის.

— რას მეტყვი?

— ემარცხდებით; ჩვენი ჯარი აირივ-
დაირია! ტარია მოჰკლეს, მხოლოდ
ნოდარი იბრძვის ოციოდ ქიზიყელით,
საჭიროა ჯარის მოშველება...

— ქუთათელი მიეშველოს!

— მე გახლავარ შალვა გურიელის
მთხრობელი...

— რას იტყვი? თუ სასიხარულოს,
ჩემს საცხოვრებელს არ დავიშურებ!

— აუარებელი ვიმსხვერპლეთ, მტრის
ჯარის მარცხენა წვერი მოვსწყვიტეთ,
ის კი იყო ციხეს ვიღებდით, რომ ამ
დროს, მტერს სხვა დასვენებული ლაშ-
ქარი მოეშველა. შალვა გურიელი და-
მარცხდა, თვით ტყვედ იქმნა შეპყრო-
ბილი!

— ქუთათელიო, მიეშველე! შალვა
ტყვეობიდან იხსენ... ბედი გვალა-
ტობს... ეს ქარი რაღა ჩვენ გვაყრის
თოფის ბოლს. იქ რაღა ჰხდება... ქუ-
თათელი მხნედ იბრძვის... ეს ცეცხლის
ალი საიდან უწყეს? ჰაერი ცეცხლად

გარდაიქცა. ეს მხედრობა ვისის მეთა-
ურობით იბრძვის? მხნედ მეგობარო!
მხნედ მებრძოლო... ქართველ მაჰ-
მადიანებს უყურე... ციხეს გარს ეხვე-
ვიან... მხნედ! მხნედ... მხნედ მა-
მულიშვილო! ქართველებო! თქვენმა
მარჯვენამ უნდა გადასწყვიტოს სამ-
შობლოს მომავალი ბედობალი. გახ-
სოვდეთ მამული, ცოლშვილი, ბინა,
კერა—რაო? ვინ იძახის... ვისი ხმა
ისმის, სახარელი?

— ქართველი მხედრობა დამარ-
ცხდა!..

— დამარცხდა? წყეულიმც იყოს ეს
ხმა ბედითი! მტერმა გაიმარჯვა. გას-
წყდა ბრძოლაში ქართველობა? ვაი,
ჩემო დიდებულო ლაშქარო! ვაი ჩემო
მხედრობავ! ეს რა ამბავია? რა აურ-
ზაურია? გადარჩენილმა ქართველობამ
მტერს ზურგი უჩვენა? ნუ თუ ეს ქარ-
თველობაა, ფარასავით არეული უკან
რომ გამოიბრძის? ვაი სირცხვილო!

— შესდექით!

მტერს ზურგი შეაქციეთ? ბრძოლას
გაექცით? არა სჯობია სახელოვნად
ბრძოლაში დაიხოცნეთ, ვიდრე შერ-
ცხენილნი სახლში დაჰბრუნდეთ? დე-
დამ რად გაწოვთ ძუძუ, თუ დედის
შემავინებელს შურის ძიებას არ მია-
გებთ? შერცხენილნი? რა პირით უნ-
და ეამბოროთ თქვენს მიჯნურს? თქვენს
სიცოცხლეზე იყოს დამოკიდებული
სამშობლოს კეთილდღეობა და ეს სი-
ცოცხლე არ გასწიროთ? რა სთქვას
შთამომავლობამ? რა პირით შეჰხვდეთ
ჩვენს წინაპრებს?

შესდექით! მომეცით ჩემი მუზარადი!
ჩემი მუზარადი! ზურაბ ჩემთან! მეო-
მარნო! ნუ დაგავიწყდებათ, რომ თქვე-
ნი დახოცილი მეგობარნი შურისძიე-
ბად მოგიწოდებენ!

ნუ დაგავიწყდებათ, რომ მრავალ
დაჭრილთა კენესა და გმინვა შურის-
ძიებად გამხნევებთ!

ნუ დაგავიწყდებათ, რომ თქვენს
ფიცს ჰლაღატობთ და უკან გარბი-
ხართ!

ნუ დაგავიწყდებათ თქვენი სამშო-
ბლო, თქვენი ოჯახი, თქვენი შვილე-
ბი, შვილიშვილები კვლავ მონებად რჩე-
ბიან!

ნუ დაგავიწყდებათ ანდერძი წინა-
პრებისა!

შესდექით! დროშა დაიბრუნეთ!
დროშა!

სად მისდინარა შერცხენილნი? სად
გინდათ დღე დაიღამოთ. სად გინდათ
მოსვენება ჰპოვოთ?

თქვენი სახლკარი დანგრეულია!
თქვენი ნათესი განადგურებულია!
თქვენი სარჩო ცეცხლმა გადაბუგა.

ვის უნდა გაუნდოთ თქვენი საი-
ღუმლო? ან ვინ უნდა შეგიხვიოთ
ჭრილობა?

დედა თქვენი მტერმა წაგართვათ
და მხეველად დაისვა!

დაი თქვენი გაუპატიურებული მო-
გიკლეს.

ძმა თქვენი სახრჩობელაზე აიყვანეს!
მოხუცი მამა აწამეს და ცოცხლად
სამარეში დამარხეს.

ოჯახი თქვენი აწიოკებულია.
ნათესავნი თქვენნი გადასახლე-
ბულნი.

მეგობარი თქვენი დატყვევებული...
სად მიხვალთ?

შესდექით!

ხალხო! თქვენ უნდა იცოდეთ, რომ
არა სხვის დასაჩაგრელად იბრძვით,
არამედ თვით თქვენი თავის მონო-
ბიდგან დასახსნელად.

თქვენი სისხლი იღვრება არა იმის-
თვის, სხვა დასაჩაგროთ, არამედ თვით
განთავისუფლდეთ.

თქვენი გამარჯვება იქნება არა
სხვის დამონება, არამედ სხვასთან
ადამიანურად გათანასწოლება.

თქვენ იბრძვით ადამიანობისთვის.
თქვენი ბრძოლა სამართლიანია,
მაშ ვინ შეგინდოთ, რომ ბრძოლის
ველი მიგიტოვებიათ?

შესდექით!
შესდექით! დამფრთხალი ჯარი... გონს
მოვიდა. მტერს შეუტია! გაიმართა
ბრძოლა, ბრძოლა მედგარი, ხელჩარ-
თული. იღვრება სისხლი... პრიალებს
მახვილი. გრიალებს თოფ-ზარბაზანი,
სრიალებს შუბი...

ზურაბ, ეს შავად ღრუბელი გამოჩნდა
იმ მთის ფერდობზე?

— არა, მტრის ჯარია. ქართველო-
ბას აწვება!

— ახალი ჯარი? ჩასაფრებული ჯარ-
ლიათ... მოიქანცა ჩვენი მხედრობა

ხსნა აღარსაით არის... დაეცა სამუდა-
მოდ მამული... ვაი თავო, ვაი დალუ-
პვილო მამალო! ტკბილო იმედო, ჩემო
სამშობლოვ... რატომ განგება მაინც
არ გადმოგხედავს?? განგება! განგება?

— გიორგი, თავს უშველე. მტრის
სარდალმა შენი თავი მთელს სამთაგ-
როდ შეაფასა... აჰა ცხენი, თავს უშ-
ველმე.

— ლაჩარო, გაქცევას მირჩევ! მეც
ჩემ მხედრობასთან უნდა დავეშო...
მოკვდი, ვიდრე ზურგს უჩვენებდე...
თვით შევეშვები იმ სარდალს!

— შიკრიკი მოჰქრის!


— ვიცი რასაც მეტყვის... ჩვენო
დიდებულო სარდალო, დამარცხდა
ქართველობაო! რის დიდებულო, რა
დიდებულო! მე დიდებულო ვიყავ ჩემის
დიდებულის ლაშქრით, ჩემის მამულით...
ქართველობა დამარცხდა. სჩანს, მამა-
პაპური სული თან არ გამოგვყოლია.

— მხსნელი მოდის!
— მხსნელი მოდის? რაო, ეს რა
ტკბილი ხმა ისმის? რა ყიყინაა? ზუ-
რაბ, ეს რა ხმები ისმის?

— გიორგი, სასწაული ხდება! გაჰხედე
აღმოსავლეთით, მეორე მზე ამოდის.
მე მეგონა ქართველობას მეტი ჯარი
აღარ ჰყავს მეთქი, მაგრამ გაჰხედე ის
მინდორი თუშ-ფშავ ხევსურებით მო-
ფენილა. მათი სარდალი, როგორც ძუ
ვეფხვი, ისე მოჰქრის თეთრ მერანზე...
მღერიან „მუმლი მუხას“ მათი სარდა-
ლი შენი შვილია! იძახის: მედგრად
ფშავნო, მედგრად ხევსურნო, მამული-
სთვის იბრძვითო!

— ჩემი შვილი! ჯარს წინამძღ-
რობს... თვით იბრძვის... აბა, მასთან,
მამას ეშველება! აგერ, მოუწოდებს:
იგერიელნო, ეს ბაირალი თქვენს წი-
ნაპრებს გადმოუციათ. ამ ბაირალს დი-
დი წარსული აქვს. იგი ბევრჯელ შე-
სვრილა სისხლით, მაგრამ მაინც თა-
მამად აფრიალებულა და ქართველ ხა-
ლხისთვის გამარჯვება და თავისუფ-
ლება უცნობებია. წინ! მედგრად! იბრ-
ძვიან თუშები... ხევსურნი... აგერ მო-
ხვენი როგორ ვეფხვებვივით გადაენ-
თნენ. აბა ჩავერიოთ! ჰაუ თამამად!

სანდრო შანშიაშვილი.



პ. მირიანაშვილი. ამ ერთი ბეწო ადგილზე რა პანთეონი უნდა აშენდეს!



შემოდგომა და ჩვენი გლეხი.